

Munye Oduber Personahe di Augustus 2010 riba Calendario di Personahe di New India Assurance

ORANJESTAD - Dia Sra. Joy Raghunath, Directora di New India Assurance a contacta e conocido y altamente aprecia Sra. Munye Oduber pa ta parti di su coleccion di e di 13 Calendario di Personahe, Munye a reacciona cu un alegria y gratitud sin igual pa e reconocimiento.

Munye ta conoci pa su sonrisa berdadero y su gran talento como Poeta, Escritor, Declamado y e ta contabo un cuenta di un forma asina espectacular cu diripiente

bo ta sinti bo sinta cant'i laman na su tera natal, ta disfruta di e cuenta bou di un pal'i kwihi, den rosea sano di un Boneiro cu ta sigui bibo den nostalgia eterno di e generacion cu tabatin e honor di a biba su simplesa. Simplesa den caso di Munye ta su grandesa. Combina cu su humildad di Alma, Munye ta personificacion di un dulsura asina original cu lo bo hura cu ta cu miel di abeha fo'i shelo nan a trah'e. No kiboca, e abeha tin su puy, ma ta djis pa defende su curpa of pa para defende causa y hende

Mi Ta Sonrisa di Cariño
den delicia di palabra
mi Alma ta Manifesta

I Am Kindled Kindness
through delight of word
my Soul Manifests



Munye Oduber - Poeta

cu mester di aporte husto! Conkistando fronteranan di espacio cu tempo den reto personal y di salud, Munye consistentemente ta sigui skirbi, conta, declama y comparti su alma den delicia

di palabra y el caba di bai Cuba pa sigui expone su arte. Aruba ta rico pa por tin Munye, kende a scohe luna di augustus riba e calendario di personahe ya cu ta su luna di nacemento.

Riba su SoulPainting, Munye su sonrisa di cariño ta embecece Calendario di Personahe di New India Assurance cu un fluidez suavemente colorido ademas cu e ta un recordatorio pa den e luna di Augustus nos tur corda eherce simplesa den grandesa, dorna na tur loke ta dushi, pa nos mes y tur esnan cu ta rondona nos. Un Pabien yen di cariño ta bay na Munye di parti di henter Team New India, den confianza cu su salud lo briya, pa e por sigui encanta y deleita cu su arte abundantemente rico.